

Թաւ 14 դրան
Գաւ 20 դրան

Ր Տ Ա Ս Ա Ն Մ Ա Ն

Ռուսացում 4 րբ. 50 Կ.
Թուրքա 50 Կուռ
Եւրոպա 12 ֆրանկ
Ամերիկա 2 տոլար 5 ս.

Յայտարութիւնների վճարը
Առաջին երեսում տողատեղը 5 շահի
Զորորդ 3

ԱՌԱՋԻՆ ՀԱՄԱՐԸ 6 շահի

Խմբագրութեան հասցէն՝ Թաւրիկ
ՄիՏԲ-ի խմբագրութեան կամ Tauris (Perse)
Rédaction du journal «MITK»

ՄԻՏԲ

ՇԱԲԱԹԱԹԵՐԹ

Ա.ԶԳ.Ա.ՅԻՆ—ՀԱՍԱՐԱԿԱԿԱՆ ԳՐԱԿԱՆ ՔԱՂԱՔԱԿԱՆ

1. Մեզ գրողներից խնդրում է գրեն պարզ, մաքուր և սխալման բոլորի առջին երեսի վրայ:
2. Խմբագրութիւնը իրեն է՝ վերադառնում իրաւունք՝ ստացուած յօդուածները փոփոխութեամբ և կրճատութեամբ հրատարակելու:
3. Մենք մերժում ենք «Ինչ», «Ինչ» և ուղղագրական հերձուածը և մեզ հնչ վերադառնում իրաւունք՝ ստացուած նիւթերը տպել մեր ընդունած ուղղագրութեամբ:
4. Չստացած կարճ յօդուածները չեն վերադարձնուած: Ուղարկուած և չստացած երկար նիւթերը յետ ստանալու համար պէտք է ուղարկել պատրի ծախսը:
5. Ձի տպուի ոչ մի յօդուած եթէ դա կեղծ անուն հետ միաժամանակ չի կրի յօդուածագրի անուն ազգանունը:
6. Բաժանորդները թերթ չստանալու դէպքում շուտով տեղեկացնելու են մեզ՝ հակառակ դէպքում խմբագրութիւնը իրեն զերծ է համարում պատասխանատւութիւնից:
7. Չստացած յօդուածների համար խմբագրութիւնը բացատրութիւններ չի տալիս:
8. Հասցէները փոխելու համար պէտք է մեզ ուղարկել 2 դրան 10 շահի:

ԴԵՊԻ ՊԱՐՏԱԿԱՆՈՒԹԻՒՆ

Եւ

ԴԵՊԻ ՇԻՆԱՐԱՐ ԱՇԽԱՏԱՆՔ

Հալա թողի Արամեան և Ս. Աննայեան երկուսն էլ պարտքների համար պահանջուում է նոր հոգաբարձական մարմնի ընտրութիւն, որովհետեւ հնի երեքամեայ շրջանը լրանալու վրայ է:

Նշանակում է Հալայի ծխականները խիստ կարևոր, պատասխանատու և սրբազան գործի առաջ էք կանգնած:

Սրբազան գործի հանդէպ պահանջում կշռադատուած, գիտակից և արթուն վերաբերմունք: Հասարակական խնդիրներում միշտ գործը վերջանում է լացով, դժգոհութեամբ և կործանումով, երբ ինքը հասարակութիւնը Պիղատոսի նման ձեռքը լուանալով՝ քաշուում է ասպարիզից: Երբ հասարակութիւնն իր դերի ու պարտականութեան մէջ չէ լինում, առթից օգտուում են ճարպիկներն ու պատրաստի դրամից օգտուողները և հաւաքելով 10-20 հոգի պատանիներ, կամլաւ «դաս առած» վարժողներ՝ յանուն հասարակութեան ցաւալով «ընտրութիւն» են կատարում և ապա անաճանկեղով լցնում գիտութեան տաճարները, որոնց բարոյական ողբալի պատկեր մեր աչքի առաջն է:

Որպէս զի Հալայի դպրոցներն ևս այդ ողբալի վիճակին չենթարկուեն, պէտք է որ Հալայի ծխականները լինեն արթուն, գիտակից և ասպարէզը չթողնեն մի քանի անհափաճանների, որոնք ոչ հարազատներ ունեն դպրոցում, ոչ դպրոցի ծանրութիւնն են կրում իրենց ուսին և ոչ էլ կիսգահարու են երբ դպրոցի դրամները վատնուեն, որովհետեւ ոչ մի աշխատանք ու քրտինք չեն թափել կուպէկ-կուպէկ հաւաքած աղգային այդ դիւրամարս գումարների վրայ:

Հէնց մեր հասարակական անտարբերութիւն է պատճառ, որ հակառակ մեր թեմի արժանապատւութեան, ունինք մի խարխուլ առաջնորդական, չէնք չունինք թեմ. ժողով, ունինք պակասակազմ և անկանոն նիստերով թեմ. խորհուրդ, ունենք դպրոցներ իսպառ անանկ և

պարտքերով ծանրաբեռնուած և դեռ անանկացնողներին էլի վերակոչում ենք պատասխանատու պաշտօնների:

Ինչ կատարուել է անցեալում, թող այլևս չկրկնուի այժմ:

Սովորական դառած մեր քար անտարբերութիւնը, ուսերը թափ տալն ու «ինձ ինչ» ասելը, «նամ կուզեն թող ընտրեն» պատասխանելը և հեռու փախչելը, պէտք է այս անգամ մի կողմ թողնել, Հալայի ծխականներ:

Մէջտեղում դրուած է ձեր (Հալացոց) զաւակների ուսման, բարոյական ու հոգեւոր դաստիարակութեան վսեմ գործի ղեկավարութեան հարցը:

Արդ ի՞նչ աւելի թանկագին և գուրգուրանքի արժանի գործ, քան եթէ մանուկ սերնդի, ձեր թանկագին որդոց առողջ դաստիարակութեան ապահովումը և դպրոցի հոգատարութիւնը բարեխիղճ, արժանաւոր, հեղինակաւոր և ոչ քայքայական մարդոց ձեռքում:

Եթէ միայն այսքանը դուք կարողանաք անել, դա մի մեծ շինարար աշխատանք կլինի, որի բարեբար արդիւնքը կվայելէք դուք և ձեր սերունդը:

Իսկ այդ արած լինելու համար՝ անհրաժեշտ է գործ և կողմնակի պարապմունքներ մի կողմ թողած՝ դաք ընտրական ժողովների, ընտրելու գործունեայ, աճաճաւոր, հեղինակաւոր եւ ոչ քայքայական մարդոց իբրեւ հոգաբարձուներ, որոնք իրենց պէտք է ամենից առաջ ժողովրդի ընտելացներ համարեն և ոչ թէ «հաւատարմատարներ», որոնք կոչուած են որոշ մի խմբակի մարդոց կամ «ընկերների» քաւին ու ստամոքսը լցնելու ի վնաս ժողովրդի և դպրոցական հաստատութեան:

Տարաբախտաբար վերջին երկու տասնամեակի մեր իրականութիւնը իր յոռի դաստիարակութեամբ մեզ տուեց մի սերունդ, որ ոչնչով պակաս չէ Տուրքենկի Բազարովներից. նիհիլիստների, աւելի ճիշտն ասած, բրտկերեսների (հաստ երեսների) մի հակայ զանգուած, որ բռնակցի, աղմուկը, սպառնալի՜ ու ջարդը սկզբունք դարձրած՝ ընտ-

րական ժողովներից փախցրել է միշտ վարկի, զիրքի, փորձառութեան տէր մարդոց և ամենինչ տարիներ շարունակ ճգմել է իր թաթում և սպանել:

Պատկառանքի պակասութիւնը, բրտկերեսութիւնը մի կարգ մարդոց կողմից մեզանում համարուում է յայտարար նշան «հասարակական գիտակցութեան» Դժբախտաբար այդ կարգի հերոսները վաղուց է որ մեղանում առաջնորդողի դեր են խաղում՝ այլասերելով ամեն ինչ և կործանելով ամեն նուիրական հաստատութիւն:

Ահա յարմար ժամ, երբ պէտք է ասպարէզ իջնէք ձեր խորը գիտակցութեամբ՝ ընտրելու ժողովրդի և արժանաւոր մարդոց, որպէս զի այսուհետեւ ևս յարատեւի 61-րդ տարին բոլորող Հալայի Արամեան դպրոցը:

Եթէ կղանաք, չէք գայ ընտրութեան, եթէ գործը կթողնէք խորթների, հակաժողովրդականների և ինքնակոչների, այն ժամանակ ձեր դպրոցներն ևս նոյն անանկութիւնն են, որպէս Լիւաւայի դպրոցները, որոնց ինամակալել են ոչ-ժողովրդի մարդիկ:

ԱՊՍՏԱՄԲՈՒԹԻՒՆԸ ԱԼԲԱՆԻՍՅՈՒՄ

Արդէն բաւականին երկար ժամանակ է որ Ալբանիան նորից սկսել է ոտք դնել ամենաշեմ և անխորտակելի յեղափոխական շարժման մէջ: Այս ապաբախտ երկրի համար տաճկական սահմանադրական կոչուած կառավարութիւնը, որ իւր հպատակ բուրքիստներէ իրաւագործ ազգերի արդարացի պահանջները ոտքի տակ է տալիս, միանգամայն անտանելի է դարձել: Ալբանիան որոշել է որ այս անգամ, ամեն տեսակ զոհաբերութիւններով, դուրս գայ տաճկական բռնակալ կառավարութեան դժման լծի տակից: Ապստամբութիւնը հետզհետէ ստուարանում է և լուրջ կերպարանք ստանում: Եւրոպական մամուլը բաւականին մեծ յօդուածներ է նուիրում այս շարժմանը: Սալոնիկից հեռագրւում են գերմանական լրագիրներին. որ Պրիշտին քաղաքի կողմից ընտրուած պատգամաւորը, պրանացի Հա-

սանբէկը, զինուած բազմաթիւ զուամարտական զուին անցած՝ մեծ յաջողութիւն ունի Իպէկի շրջանում: Հասան բէկը դեռ երկու շաբաթ սրանից առաջ թողեց տաճիկ կառավարութեան իրան յանձնած պաշտօնը, մեծ ու հայրենասիրական եռանդով ընդունեց իւր ալբանացի հայրենակիցների առաջարկութիւնը՝ լինել ընդհանուր ապստամբութեան պարագլուխ: Ահա այս անձնաւորութիւնն է, որ այս անգամ ղեկավարում է ապստամբութեան գործը: Նրա անունը Ալբանիայի բոլոր սարերում ու ձորերում հնչւում է երգերի մէջ: Կօնստանտինապոլից արձակած հրահանգների համաձայն, Սալոնիկից հապճեպ կերպով ուղարկուում են հիւսիսային Ալբանիա խոշոր զօրամասեր: Շատ տեղերում զօրքը առաջնորդուում է հռչակաւոր հոգեւորականների ձեռքով, որոնք Ալբանիա ժամանելուց յետոյ սկսելու են դիմել ամեն տեսակ միջոցների՝ ալբանացիներին համոզելու, որ վայր դնեն իրանց զէնքերը: Իպէկի շրջանում յայտարարուած է պաշարողական դրութիւն: Ապստամբած ալբանացիների ընդհանուր թիւը Սալոնիկի տեղեկութիւնների համաձայն առայժմ երեք հազարի է հասնում, որոնց մեծամասնութիւնը գործում է լեռնային վայրերում՝ հետզհետէ ստուարացնելով իւրենց շարքերը: Մահմետական հոգեւորականներից կազմուած հաշտարար յանձնախումբը, որ գնացել էր ապստամբած ալբանացիների պարագլուխների հետ բանակցութիւններ վարելու, վերադարձան Դիակովօ քաղաք՝ առանց ընաւին կատարելու իրանց ստանձնած յանձնարարութիւնը: Ալբանացիները ծանուցանում են, որ իւրանք իսպառ հաւատ չեն ընծայում պոլսի կառավարութեանը և շարունակ մատնացոյց են անում այս պարագայի վրայ, որ տաճիկ կառավարութիւնը գուրկ է ուժից՝ զսպելու ապստամբութիւնը և վերացնելու Ալբանիայից տիրապետող անիշխանականութիւնը: Ալբանացիները սպառնում են, որ կարճ ժամանակից յետոյ իրանք կը տիրապետեն Դիակովօ գլխաւոր քաղաքի գիւնանոցներին: Այս քաղաքի նահանգապետը գրաւոր կերպով յայտարարել է ալբանացիներին, որ եթէ սրանք շարունակեն իրանց յեղափոխական յամառ շարժումը, ստիպուած կըլինին

ուղարկելու նրանց դէմ քաղաքում գտնուող չորս հետևակ գունդը: Իւսկիւրի նահանգապետը նոյնպէս սպառնացել է ալբանացիներին այսպիսի պաշտօնական յայտարարութեամբ: Temps լրագրի թղթակցի հեռագրի համաձայն, Իւսկիւրից արդէն ուղարկուել են յեղափոխականների դէմ կոտորելու Դիակովի շրջագայութեամբ եօթ հազարանոց հետևակների մի զօրագունդ, 500 հոգուց բաղկացած մի հեծելազօր, երկու զնգացիր և բաւականին թուով լեռնային ու դաշտային թնդանօթներ: Տաճիկ զօրքի և ալբանացիների առաջին ընդհարումը տեղի է ունեցել Իպէկի շրջակայքում: Այս ընդհանուր շարժման մասնակցում են նաև Ալբանիայի մահմետական ազգաբնակչութիւնը և Միրիփաւ կոչուած ցեղը, որ յեղափոխական շարժման մէջ մեծ սխրագործութիւն է կատարում Պրիզրին ու Պրիշտին քաղաքների շրջակայքներում: Ունենալով զօրեղ զինադրութիւն տաճիկ կանոնաւոր զօրամասերին և հրգեհնով կառավարութեան զինարանները: Միրիփաւների ասելով այս շարժումը շարունակութիւն է կազմում Ալբանիայում տեղի ունեցած 1910 և 1911 թուականների շարժման:

Լ. Գեորգեանց

ԳԻՏՈՒԹԻՒՆ

ՇԱՀԱԽԷՏ ԼՈՒՐԵՐ ԵՒ ՆՈՐՈՒԹԻՒՆՆԵՐ

Աշխարհիս մէջ չկայ մի բան, որ անօգուտ լինի, միայն թէ մարդիկ հարկ է որ մտածեն և գտնեն նրա օգտակարութիւնը: Եւրոպայում և Ամերիկայում մեծ խնամքով հաւաքում են փողոցներից և հրապարակներից լաթի, աղբի, սիկարների բեկորները, վերջապէս ամեն աւելցուկի փշրանքները և զրանցից նորից չիթեղէն, թղթեղէն և սիկարեղէն ու տեսակ տեսակ առարկաներ շինելով՝ մեր երկրում բոլորովին անպէտք և անօգուտ համարուած և դէն շարտած այդ բաները ոսկու փողի են վերածում:

Ինչի է հարկաւոր, օրինակի համար, մեզանում մարդկային մազը, ով ուշադրութիւն է դարձնում այդ կրտուրեւուց յետոյ բոլորովին անպէտք համարուած և ոտից կոխան, դարձած բանի վրայ: Սակայն, լսեցէք, անցեալ տարի Ամերիկացի վաճառականները 180 հազար Անգլիական ոսկու արծու դոթեմամբ մարդկային մազ Ձինաստանից արտահանել են. իսկ դրա քանակն է 1,759,833 Լիրա, այսինքն անգլ. ֆունտ: այդ մազից պատրաստում են կեղծ-ծամբ և շինում են մի տեսակ մազէ լաթ, զօշակներ և բարձեր և այլն և այլն:

Ուրհուրդ կրտայինք մեր բոլոր սափրիչներին և վարսավէրներին այսուհետև խնամով հաւաքել և պահել մազի կարունքները, որով ապագային մի լաւ գործ սկսել կարելի է, երբ պահանջը ներկայանայ: Ոչ մի բան անօգուտ չէ:

Յարդէ թելը—Արևելեան հինաւուրց աշխարհում յարդը միայն էշերին ու ձիերին են ուտեցնում և դրա համար էլ բաւականաչափ թանկանում է ամեն տարի: Յայտնի է որ Եւրոպացիք և Ամերիկացիք ամենագեղեցիկ գլխարկներ և զանազան առարկաներ են պատրաստում յարդից. իսկ

Աւստրիայում մի նոր գիւտ են արել որ ամբողջ ոստայնական (textile-դէկտիլ) աշխարհը յուզման մէջ է գցել: Դիւտը դեռ գաղտնի է պահուում, բայց, Ռայնլէնդի Ամերիկեան Հիւպատոսի հաղորդագրութեան համաձայն, յարդը մի լոյծ հեղուկի վերածելու յաջողել են, որի վրայ 20 մի ուրիշ բաղադրութիւն աւելացնելով մաքուր յարդեայ թել են քաշում ինչպէս այդ անում են բամբակից, բրդեղից, կանեփից, մետաքսից և այլն: Էկսպերտները հաստատում են, որ այս նոր թելը ամուր, նուրբ և զինացկուն է, ինչպէս ոստայնականութեան մէջ գործածած բոլոր միւս տեսակի թելերը, իսկ ծանրութիւնը 40. Նուազ է քան այդ թելերը, որով յարդեայ թելով պատրաստած կերպասեղէնները չափազանց թեթիւ պէտք է լինին, իսկ նրանց արժէքն էլ իհարկէ կիսով չափ էժան է նստում: Հետևաբար շուտով յարդեայ գլխարկների հետ պիտի ունենանք նաև յարդէ հանդերձներ էժան ու զինացկուն և թեթիւ:

Ազգ. քրգմ. Միհր. Բաղասարեան

ՓՈՔՐԻԿ ՖԵԼԵՏՈՆ

ՄԵՐ ՄՐՏԱՅԱԻ ԲԱՐԵԿԱՄՆԵՐԸ

Զարմանալի բան... Երեք տարին մի անգամ Թաւրիզի մի փարա մարդկանց ազգասիրութիւնը թունդ բռնում է: Այն էլ երբ—Հոգաբարձական ընտրութեան ժամանակ. երանք թէ ամեն օր հոգաբարձական ընտրութիւն լինի, որպէս զի սրանց ազգասիրական շիղը, ազգային թասիրը վերականգնանայ:

Հոգաբարձական ընտրութիւն... Օ՛, դա այնպիսի ցնցող կոչ է, որ երբ խաներն անգամ իրենց օրօրոցում հանգիստ չեն մնում, ուզում են դուրս սողալ պարուրից և ներկայ գտնուել այդ ընտրական պալատին և կամ նոյն իսկ ընտրուել: Թնոյ կորչեն միտքներն ու բեխերը: Կեցցէ աներեսութիւնը...

Բայց ներողութիւն, ուզում էի ասել անմօրսութիւնը, անբխութիւնը, բայց դուրս եկաւ աներեսութիւն. ասեց թէ այդպիսիները համար աներեսութիւն, անբխութիւն հոմանիշ բառեր են...

Ուստի ձեռքի տակով անցած հասարակ. գնում է ժողովասրահ... անարգելոյ խայտառակել այն հոգաբարձութիւնը, որ երեք տարի շարունակ բարեխղճօրէն ձրիապէս վարել է իր պաշտօնը: Ամեն մէկը իր դասը սերտում է մտքումը: Նախագահը բաց է անում ժողովը: Մի ձայն...—Ներկայ հոգաբարձակ. կազմը իր փրայ դրած պարտականութիւնը վատ է կատարել, որովհետև դրամագլուխը տեղից չէ շարժել *), իսկ դա ներկայ լուսաւոր դարին հասկացողութեամբ յետադիմութիւն է: Ձէ որ շարժումը կեանք է: Այդ քեզ օրինակ Լիւլաւան. կեցցէ նա. ապա իսկի թողել են որ դրամագլուխը սնդուկը մտնի: Մեր գրողները ծակ խօ չեն: Այդ տեսակէտից ես առաջարկում եմ Արամեան դպրոցի դրամագլուխը յանձնել Լիւլաւայի դպրոցի վարչութեան: Դուրս կտամ եթէ մի տարուց աւելի նա տեղը պառկած մնայ: Բ. ձայն. Անպատշաճ գեղծութիւն կան. առաջարկում եմ քննիչ յանձնաժողով ընտրել և հաշիւները քննել:

Գ. ձայն առաջարկում եմ որ հոգաբարձութիւնը այս բոլորիս հաշիւ տայ մեզ:

Գ. ձայն հաշիւ ենք ուզում: Եւ այդպէս անվերջ:

Հոգաբարձութեանց մէկը դառնալով ժողովականներին:

—Դձը էք ինձ հոգաբարձու ընտրել.

—Ո՛չ

*) Դրամագլուխը շարժելը ըստ նոր հասկացողութեան, նշանակում է ի չիք դարձնել կամ շրջապահել:

—Ծանօթ էք դպրոցիս նիւթական վիճակի հետ.
—Ո՛չ
—Երբ և իցէ հետաքրքրուե՛լ էք դպրոցով:

—Ո՛չ.
—Հաւաքուած ժողովականները երեսայ ունե՞ք դպրոցում.

—Ո՛չ.
Դպրոցը նիւթական անսխալանքի դրութեան մէջ է— կօզնէք

—Ո՛չ.
Անմօրսա հասարակութիւնը վայրկեան մի լրջութեան սահմանը մտաւ. մինչև անգամ լսուցին ձայներ՝ ճիշտ է ճիշտ է.

Իսկ եթէ մէկը հարցնէր.
—Ի՞նչ է ձեր փորձաքարը.
—Միթէ՞ չգիտէք. վերցնել Արամեան դպրոցը յշտուրմով՝ դրամագլուխը արեւի տակ դնել, մեր մարդկանց տեղաւորել, մեր գրողներին ծակերը կարկատել և անվերջ բազմակեանք...

Աղուէն ու իր պոչը առակը ակամայ մարդ յիշում է: Պոչատ աղուէն իր ընկերներին խորհուրդ է տալիս դէն շարտել պոչերը, որպէս մի աւելորդ բան. իսկ մի ծեր ու փորձուած աղուէն ասում է՝

—Այ՛ ծակամուտ թոռիս թոռը, բա քանի որ տեղն էր պոչը, ինչո՞ւ չարբի դու էդ կոչդ

Լու

(Շարունակելի)

ԱՐԱՄԵԱՆ ԴՊՐՈՑԻ ԴՐԱՄԱԳԼՈՒՄԸ ԹՂԹԻ ՎՐԱՅ *)

Ինչ որ ասացինք «Աւան» ընկերութեան վերաբերմամբ դպրոցների պարտքի վճարման հարաւորութեան՝ առթիւ, նոյնը կարելի է համարձակ ասել նաև պարոնայք եղբարք Միքայէլեանների մասին: Վերջինները ևս կատարելապէս հնարաւորութիւն ունէին թէ նախքան սնանկանալը և թէ սնանկութիւնից յետոյ՝ վճարելու դպրոցներիս ունեցած պարտքը, դրամում կասկած չի կարող լինել: Կասկած չի կարող լինել նաև այն մասին, որ սնանկացած «Աւան» ընկերութեան անդամները նոյնպէս և պարոնայք եղբարք Միքայէլեանները սնանկանալուց յետոյ դարձան աւելի վստահելի (օթարար), ապացոյցների կարիք չենք զգում, որովհետև փաստը թաւրիշեցիների աչքի առաջ է սնանկանալուց մինչև այսօր ու երկի ապագայում ևս:

Թէպէտ մեր նախորդ յօդուածով խոստացել էինք տալ «Աւան» ընկերութեան անդամների և պրք. եղբարք Միքայէլեանների արդի կացութեան մասին մանրամասն տեղեկութիւններ, սակայն աւել-

«Միտք»-ի անցեալ համարում սպրդել է մի խոշոր սխալ. յիշուած է որ սնանկացած «Արարատ» և «Արաքս» ընկերութիւնները և այլն. «Արարատ»-ը պիտի լինի «Արամեան»: «Արարատ» ընկերութիւնը ներկայումս գոյութիւն ունի և գործում է շատ յաջողութեամբ. ինչպէ՞ նախորդ յօդուածում տպագրուածի Արարատ բէկ Դոլու-Ռանիանի պարտքի առթիւ գրուած էր «որ հաւանական է ծրագրուի և կը վճարուի», պիտի լինի «որ հաւանական է կարգուի և կվճարուի»: Ժ. Հղ.

1) Տես «Միտք» № 13

լորդ ենք համարում երկար մանրամասնութիւնների մէջ մտնել, մանաւանդ որ բոլոր Թաւրիզեցիներին քաջ յայտնի է նրանցից շատերի ներկայ յաջող գրութիւնը, իսկ թէ յաջողութեան մէջ լինելով հանդերձ, ի՞նչպէս է որ չեն յիշում իրենց պարտականութիւնը, այդ չափազանց նուրբ հարց է—չարժէ շօշափել այստեղ բաւականանալ յօդուածիս սկզբում յիշատակուածով և վերջապէս դնենք, գուցէ մի օր կարթնի այդ պարոնների խիղճը և կզգան, որ պարտականութիւն և հրամայական պարտականութիւն ունեն կատարելու դպրոցներին հանդէպ. յոռետես չլինենք և սպասենք ու սպասենք...

«Աւան» ընկերութեան և Եղբարք Միքայէլեանների սնանկութեան հարցում մի բան շատ հետաքրքիր է: Որքան մենք գիտենք և այդպէս էլ է, երբ սնանկանում է առևտրական մի հիմնարկութիւն եթէ մարմնաւոր իշխանութիւն չի միջամտում, գոնէ պատասէրբերին ներկայացնում է ընկերութեան հաշուեշիւրը և յայտնուում թէ իւրաքանչիւր պարտատէր իր պահանջի դիմաց ի՞նչքան պիտի ստանայ կամ քանի տոկոսը, և եթէ պարտատէրերը համաձայնութեան են գալիս, ստանում են իրենց հասանելիքը և դրանով վերջանում է հարցը, եթէ սնանկութիւնը կեղծ չէ, այլ իրական. իսկ եթէ պարտատէրերը չեն համաձայնում, իրաւունք ունեն երբ և որտեղ յարմար համարեն պահանջելու իրենց պահանջը: Այդպէս պատահեց տարիներից ի վեր սնանկացած «Արաքս» ընկերութեան անդամ Պ. Գասպար Մհ. Ածատուր, հետ որ վաղուց ի վեր գործում է իր համար առանձին: Պարտատէրերից մէկը—Ռահիմ աղան—բռնեց Պ. Մհտի Աստուածատրեանի օձիքից՝ իբրև «Արաքս» ընկերութեան անգամի և պահանջեց մարմնաւոր իշխանութեան միջոցով իր պահանջը ու ստացաւ: Նոյնպէս իրաւունք ունին վարուելու Արամեան և Ս. Աննայեան, Հայկազեան—Թամարեան դպրոցների հոգաբարձութիւնները և Թաւրիզի Հայուհի բար. Միաց. Ընկ. Վարչութիւնը:

Սակայն, որքան մենք գիտենք այդպիսի բան տեղի չունեցաւ «Աւանի» և Եղբ. Միքայէլեանների սնանկութեան խնդրում: Վերջինները իրենց գործը փոխադրեցին Թէհրան և իւրաքանչիւր պարտատէրերին տուել ու տալիս են մի շատ հեշտ ու կարճ պատասխան, որ «առարկութիւն» չի վերացնում: «Մեր հաշիւները Թէհրան, վարչութիւնները են, այնտեղից պահանջէք, մեզ կապ չունի»: Ինչո՞վ բացատրել այդ տարօրինակ երևոյթը—չգիտենք, միայն իրականութիւնն այն է, որ հաշիւները չեն փակուել և պարտատէրերին որևէ բան յայտնի չի, թէ ինչքան պիտի ըստանան իրենք իրենց պահանջի դիմաց. կամ, գուցէ՞ բոլոր պարտատէրերը գոհացումն են ստացել, մնացել են միայն ազգային հիմնարկութիւնները, այդ էլ չգիտենք: Իրականութիւնն այն է, որ «Աւան»

ընկերությունները և պրն. Նորայր Միքայելյանները, ազգային հաստատություններին պարտ են բաժանված խոշոր ու կորիկ գումարներ և թէպէտ հնարաւորութիւն ունեն վճարելու (եթէ ոչ միանուազ, դէժ մաս-մաս) բայց չեն վճարում... Մենք վերջացրինք «Արամեան» դպրոցի դրամագլխի քննությունը և մանրամասն ներկայացրինք հասարակութեան իր դպրոցների նիւթական զրույթները, նա և այն՝ թէ ձև մօտ են դպրոցի դրամները և թէ հնարաւոր է թղթի վրայից հնչուն դրամի վերածել թէ ոչ: Մենք, իբրև հասարակութեան մի անդամ, կատարեցինք մեր պարտականությունը, մամուլի միջոցով պարզելով հասարակութեան առաջ դրպրոցներին նիւթական իրական պարտքերը: Տ. Կարեան

(Շարունակելի)

9/22 Ապրիլ Սպահան

ՎԵՐՋԱՊԵՍ

Վերջապէս... Այվատեան եպիսկոպոսը Ն.-Ջուղան ազատեց իր ներկայութիւնից, կամ՝ ինչպէս այստեղ են ասում՝ շտորը պակսեցրեց: Նրան պահանջել են էջմիածնից. ափսոս որ շատ ուշ: Բայց չէ որ «լաւ է ուշ, քան երբէք»: Այս էլ մի ողորմութիւն է Ջուղայի համար: Դէ, չէ որ էջմիածնում «գործեր» շատ կան և ամեն ինչ «օրէնքով» է կատարում:

Այդ ամենը լաւ: Բայց նստակեաց կեանքը զուարճաւոր Այվատեանին մարդոտ էր դարձրել: Գրիտոսի աշակերտի սիրտը մարդով լցուել էր, թափուում էր: Եւ թափուեց: Թափուեց եկեղեցու սեղանի վրայ: Բանից դուրս եկաւ, որ ինչպէս Գեորգ IV Կաթողիկոսին մատնում էին ռուսաց կառավարութեան, ասելով թէ նա թնդանօթներ է բերել Կովկաս, այնպէս էլ իրան՝ Այվատեանին են մատնել Ջուղայից ռուսաց կառավ., թէ նա ռուս. լեզուն չի մտցնում հայ դպրոցներում: Մասնել... են հետաքրքիր է, թէ ինչու այդ թայֆայակները միջազաւանցում են, թէ իրանց իւրաքանչիւր քայլափոխը մատնում է ամեն պէտք և ամենքից մատնուել ու մատնուել... իւրաքանչիւր ոչընչութիւն, բաժան և որ թայֆայակն հայ լինի, այնքան նշանաւոր ոմն է երեւակայում իրան, որ կարծում է, թէ ամեն մարդ զբաղուած է իրանով: Այվատեանի մասնութեան կամ մատնուելու խնդիրը հետեւեալն է. Սֆահանի ռուսաց հանգուցեալ հիւպատոս Բոգոեւովսկին (մի օտարասէր, մանաւանդ հայաստ. անձնաւորութիւն որի նման ազնիւները շատ սակաւ են պատահում). մի օր դիմում է Այվատեանին, թէ ցանկալի կլինէր ռուսաց լեզուն մտցնել Ն.-Ջուղայի դպրոցների ծրագրի մէջ, որովհետեւ Ջուղայում կան մարզիկ, որոնք Ռուսաստանի հետ վաճառականական յարաբերութիւնների մէջ են, բայց լեզուն չիմանալով նրանց համար զօրաւորութիւններ է ստեղծում. գոնէ նրանց զաւակները կսովորեն ռուսերէն: Թարգմանը եւ էի: Այվատեանը պատճառաբանեց, թէ դպրոցները փող չունեն, որպէսզի նոր ռուսաց չի վարձ տան... Հիւպատոսն ասաց, որ եթէ այդ տարին աւանդուի ռուսաց լեզու, միւս տարուանից ինքը կհոգայ նիւթականի մասին (նա առա-

ջարկում էր ռուսերէնը մտցնել ոչ թէ իբրև պարտադիր առարկայ, այլ կամաւոր). միւս կողմից հիւպատոսը խնդրեց ինձ՝ իբրև ազգային դպրոցների ռուսաց ծրագրից դուրս, կէսօրից յետոյ, ձրի դասաւանդել ցանկացողներին: Ես համաձայնեցի: Այվատեանի առարկութեան առիթը վերաջած էր. մնում էր նրան կամ մերժել հիւպատոսի առաջարկը, կամ ընդունել: Բայց տաճկամոլ Այվատեանը... թոյլ տալ, որ ռուսերէնն աւանդուի այն դպրոցներում, որոնց տէրն ու տնօրէնն ինքն է... իսկ մերժել ևս չէր կարողանում. արեւելեան քաղաքավարութեան դէմ կլինէր այդ. և նա խոստացաւ հիւպատոսին, որ նրա խնդիրը կ'կատարէ:

(Շարունակելի)

Ա. Արայեանց

ԼՈՒՐԵՐ

ԹԱԻՐԻԶ

Հակառակ Արամեան դպրոցի հոգաբարձութեան առարկութեան, առանց նոյն մարմնի նախագիւցուման և ինչպէս լոցեցինք, հակառակ նաեւ թեմ. խորհրդի մի անդամի անհամաձայնութեան, սրբազան առաջնորդը, ռուսումնական տարին չըրացած և ակտը չտուած, յայտարարութիւն էր տուել Ղալա թաղի ծխականներին, որ վերջիններս Մայիս 27-ին ժողովի գան թատերաւորած ընտրելու քննիչ յանձնախումբ հոգաբարձութեան հաշիւները քննելու համար:

Տոյն ժողովը կայացաւ կանչուած օրը, սակայն օրինական թիւ չունենալով, որոշուեց կանչելեկորդ ժողով՝ քննիչ յանձնախումբի համար:

Տատուր խան Միրփէնջի մօտ ծախում են Հայ-Ֆրանս. Ռուս-Հայ. Անգլ-Հայ. Հայ-Անգլ. Պարսկ-Անգլ. բառարաններ, 3 հատ ընտիր՝ ատլասներ, Եւրոպական պետերի և կայսերական ընտանիքների, տեսարանների իւզաների և այլ ձեռնարկներ:

Մայիս 31-ին առաջնորդարան յայտնեցին, որ Քէյվանը քանդող Գարիմ խանը փախել է Ղարաղալ:

Յունիս 1-ին, Արամեան դպրոցի թատերաւորում տեղի ունեցաւ նոյն դպրոցի ռուսումնական և տնտեսական մասի լիակատար հաշուետուութիւնը: Մի շաբաթ առաջ հաշուեքննիչ պահանջող, «գիտակից» ներդաշնորդ չկային: Երբ կվերջանայ հայ կեանքում հասարակական փառիսեցիութիւնը:

Մեղ հաղորդում են, որ թուրքերը Դուխարդանի 3 խալվար տարածութեամբ հանգստարանը տիրապետել և բոստան են դարձրել: Չգիտենք որ և որքան աւերակի ու կորստի մասին խօսենք:

Քաղաքի փողոցները, Շուշաէր-Դովլի հրամանով, ամեն օր մաքրում են. բոլոր փողոցներում զրուած են լապտերներ:

Սմադոյ 3-ի համար տրուած է հրաւեր Ղալայի ծխականների Ո հա հասարակական ժողովի մասին, ուր պիտի ըստուեն քննիչներ և լինին նախախորհրդակցութիւններ յետոյ կայանալիք հոգաբարձական ընտրութեան համար: Սպասելի է որ Ղալայից ցոյց տան շերմ վերաբերմունք դէպի իրենց դպրոցի ճակատագիրը:

Մայիս 27-ին, ժամը 5-ին Արամեան դպրոցի թատերաւորում տեղի ունեցաւ «ՄՇԱԿԻ»-ի 40-ամեայ յորելեանը, որ ձեռնարկել էին տիկիններ Սթուէրի Ամատունին և Հելէն ժօրժ: Մանրամասնութիւնները յաջորդով:

Տոյն շաբթում, նոյն թատերաւորում, տեղի ունեցաւ Ղալայի մանկապարտիզի ամառվերջի հանգէսը: Հանդիսին ներկայ էր սրբազան առաջնորդը:

Մայիս 29-ին կաթողիկոսի Սարէէ Քէօն դպրոցում տեղի է ունեցել պարզեաւարչութեան հանգէս: Կար շատ ընտիր հասարակութիւն ներկայ էր ռուսաց փոխ. հիւպատոսն - իր ընտանիքով, ներկայ էր նաեւ Սարգար Ռաշիդը:

Մայիս 27-ին տեղի է ունեցել Լիւալայի Հայկազեան-Թամարեան դպրոցների սոյն ռուսումնական տարուայ հաշուետուութիւնը: Տեսուչ Կ. Պիօնեանը յայտնել է այս անգամ մի նոր գաղափար, որ է «միացնել Ղալայի և Լիւալայի թաղային դպրոցները»: Այս «գիւղը» երևան է գալիս շատ յարմար մօմենտին. — երբ այդ դպրոցներից մէկում փող կայ, իսկ միւսում՝ ոչ, զի հայրերի դիզածները «կրթուած», «ազատամիտ», «ժողովրդական շահերի պաշտպանութեամբ տոչորուած և տոգորուած» որդիք ազգասիրաբար կերան և մանակացրին ազաների շինած ու ապահոված այդ դպրոցները:

Սակայն կարծում ենք Ղալայի հայ հասարակութիւնը այնքան պարզամիտ չի լինի, որ այդպիսի «նոր» գաղափարներին ընդ առաջ գնայ, փտանգելով իր դպրոցների ապագան:

Ղալան պիտի հասկանայ այդ նոր փորացաւութեան ձայնը ինչու է բարձրանում այժմ Լիւալայից, ամեն ինչ ձեռնմխելով դարձնողների այդ ամբողջից:

Լիւալայում առ ի չգոյէ հոգաբարձութեան, տնտեսական հաշուետուութիւն չի եղել: Մեր այն փառիսեցիները, որոնք 40 խոշորացոյցներով են նայում Ղալայի հոգաբարձութեան կազմին, արարքին և ժամանակը լրանալուն, այս դէպքում Զաքարեայի դերն են ստանձնել:

ՄԻՏՔ» ՇԱԲԱԹԱԹԵՐԹԻ

ՄԵՐԱՊԱՏԻԻ ԽՐԱԳՐԱԳԻՐՈՒԹԵԱՆ

Ներկայ տարուայ յունվարից «ՄՇԱԿ» լրագիրը թեւակոխեց իւր գոյութեան և գործունէութեան քառասունամիակորդ տարին: Այսպիսի երկարատե կեանք հազուագիւտ է հայոց պարբերական մամուլի մէջ, իսկ մեր, Ռուսահայոց մէջ՝ միակ օրինակն է մինչև այսօր. ուստի «ՄՇԱԿ» ամենայն իրաւամբ համարուելու է Ռուսահայոց աւագագոյն լրագիրը:

ԳՐԻԳՈՐ ԱՐԾՐՈՒՆԻՆ հիմնելով «ՄՇԱԿ» գծեց նրա համար մի հաստատուն ծրագիր, որին հետեւեց ինքը ամբողջ քսան տարի, մինչև իւր կեանքի վերջը, իսկ նրանից յետոյ՝ ներկայ խմբագրական կազմը: Այդ ծրագրին էր ղեկավարել հայ հասարակական միտքը յառաջադիմական ուղղութեամբ, սերմանել ժամանակակից գաղափարներ, որոնցով միայն հայ ժողովուրդը պիտի կարողանայ տեղ դրաւել և ապրել յառաջադէմ ազգերի շարքերում:

Չնայելով բազմատեսակ ներքին և արտաքին խոչընդոտներին և անընդհատ պայմաններին, որոնց մէջ ապրում և գործում է հայ լրագրութիւնը, «ՄՇԱԿ» միայն եղաւ Ռուսահայոց բազմաթիւ լրագիրների մէջ, որ կարողացաւ այսքան տարիներ իւր գոյութիւնը պահպանել, առանց իւր ծրագրից շեղուելու: Այս անուրանալի իրողութիւնը անհերքելի ապացոյց է,

որ «ՄՇԱԿ» եղել է այն լրագիրը, որ ճիշտ կերպով բմբռնել է հայ հասարակութեան իսկական կարիքները, հաւատարմութեամբ ծառայել է նրանց և ուղիղ է տարել հասարակական մտքի ղեկը, առանց տատանուելու, առանց սառեցնող հողմերից ընդարմանելու, առանց փոթորիկներից խորտակուելու:

Գնահատել այն առողջամիտ, հասարակութեան ճշմարիտ շահերին համապատասխան, հեռատես ուղղութիւնը, որ բռնել է «ՄՇԱԿ» ամենակարեւոր ազգային խնդիրների քննութեան ժամանակ. թուել այն բարոյական և նիւթական օգնութիւնները, որ ցոյց է տուել նա կրթական, բարեգործական հիմնարկութիւններին, ժողովրդական խոշոր աղէտների-սովի, հրկիզութեան, կոտորածների ժամանակ-անհնարին է մի թուցիկ տեսութեան մէջ: Սրա համար պէտք կլինէր վերայիշել Հայոց պատմութեան վերջին տազնապալից, երկուցով բռնուած, յոյսերով և յուսախաբութեամբ լի քառասունամիակը: Այդ պատմութիւնը վկայում է, որ «ՄՇԱԿ» միշտ ապրել է ժողովրդի հետ և ժողով. համար ցաւալից է եղել նրա ցաւերին, ինչպիսիք նրա ուրախութիւններին, բայց միշտ գիտակից այն ծանր պատասխանատուութեան, որ կրում էր ինքը՝ իբրև ղեկավար հասարակական մտքի:

Եւ այժմ, երբ «ՄՇԱԿ» բոլորեց իւր կեանքի ու գործունէութեան քառասունամիակը, ժամանակն է, որ հայ հասարակութիւնը տօնէ իւր աւագագոյն լրագրի, իւր կենսական շահերի պաշտպան հաւատարիմ մշակի այս հազուագէպ յորելեանը, խօսքով ու գործով արտայայտէ իւր յարգանքն ու համակրութիւնը դէպի այս լրագիրը և նրա ազնիւ ու շարքալ գործունէութիւնը:

Ներքոյ ստորագրեալներս, որ մեր վրայ նախաձեռնութիւն ենք վերցրել կազմակերպելու «ՄՇԱԿ» լրագրի քառասունամեայ գոյութեան և գործունէութեան Յօրհանը՝ սրանով դիմում ենք «ՄՇԱԿ» բազմաթիւ բարեկամներին ու համակրողներին, դիմում ենք ամբողջ հայ հասարակութեանը Ռուսաստանում և այլ տեղեր, հրաւիրելով մասնակցել այս Յօրհանին որ ոչ միայն «ՄՇԱԿ» տօնն է, այլ և նրան սիրող ու պահպանող գիտակից հայ հասարակութեան: Յանձնաժողովս սիրում է յուսալ, թէ ինքը հասարակութեան ջերմ բաղձանքներին թարգման է հանդիսանում, յայտնելով որ այս Յօրհանին առիթով որոշել է կազմել մի յատուկ ֆօնդ, առանձին կազմակերպութեան կարգադրութեան տակ, որի նպատակն է լիմելու ապահովել «ՄՇԱԿ» յարատե հրատարակութիւնը, միաժամանակ միջոց տալով նրան զարգանալու ներքուստ և արտաքուստ, ընդարձակելու ծրագիրը և այլն:

Յանձնաժողովս համոզուած է, որ հայ հասարակութիւնը իւր միահամուռ համակրութեան այսպիսի արտայայտութեանը աւելի ևս ոյժ կը տայ այն անկախ ու անվեհեր գործունէութեան, որ ունեցել է «ՄՇԱԿ» քառասուն տարի շարունակ:

Յանձնաժողովն լիայոյս է, որ հայ հասարակութիւնը համակրութեամբ կընդունէ իւր այս առաջարկութիւնը և յօժարակամ նուէրներով կը նպաստէ նրա իրագործմանը:

Յօրհանական տօնը կատարուելու է ներկայ տարուայ Մայիս 26-ին, շաբաթ օրը:

Յօրհանին վերաբերեալ գրաւորութիւններն ու դիմումները ուղղելու է Յանձնաժողովիս Բիւրօյի նախագահ Յովհաննէս Սպենդարեանին (Ивану Семеновичу Спендиарову, Евангуловская, 8, Тифлиси). իսկ գրամական տարբերներն ուղղելու է Յանձնաժողովիս փոխ-նախագահ Արշակ Միլեանին (Аркадію Назаровичу Милову, Тифлиси):

Նախագահ Ֆանձմաժողովի՝ Գաբրիել Սոփյալիկեան (Գրամատիկ)

Ֆանձմաժողովի անդամներ՝
Յով. Սպենդիարեան (Երզնկա-հաւատարմ.)
Արշակ Միլեան (Թիֆլիս-վաճառ. աւագ եւ բոքս. կոմիտ. նախագ.)
Բազում Նաւասարդեան (Բժշկապետ)

Ֆանձմաժողովի Ստեփան Մարտիրոսեան (Տնտես. Յովնանեան դպրոցի)
Պատուաւոր անդամ՝ Յովհաննէս Գասպարեան (Բժշկապետ)

Արիւնեան Յովհաննէս (Իրաւագէտ եւ նախկ. հաշտ. դատաւոր)
Աթաբէկեան Միքայէլ (Երզնկա-հաւատարմատար)
Առաքելեան Բարսեղ (Մէլիքների աւագ)
Աւան-Իւրաքեան Դաւիթ (Կալուածատէր)
Ա.Ֆրիկեան Պաշտուր (Առեւտրական)
Աւետիսեան Հայրապետ (Առեւտրական)
Աղաջանեան Միքայէլ (Բժշկապետ)
Բաղդասարեան Արամ (Առեւտրական)
Բաշինջարեան Գեորգ (Նկարիչ)
Բաբայեան Արշակ (Ինժեներ)
Եարալեան Գրիգոր (Ինժեներ)
Եղեկեան Աւետիք (Գրականագէտ)
Էնֆիաշեան Արտաշէս (Գործարանատէր)
Ծատուրեան Նիկիթ (Առեւտրական)
Պաշտուրեան Պաշտուր (Սմբազիր, "Тиф. лист." լրագրի)
Պարալեան Սարգիս
Պունունց Մնացական (Նախարարիւնարերոց)
Կրկնական Սերովի (Կրկնական. Առեւտր. Տան պետ)
Կիրակոսեան Գրիգոր (Ինժեներ)
Հորդանեան Յովսէփ (Երզնկա-հաւատարմատար)
Մանթաշեան Լեւոն (Մանթաշեան Արդիւնար. Տան. պետ)
Մամուլեան Զարար (Ա-րդ. փոխ. վարկի ընկ. գիրեկտոր)
Մանուէրեան Ստեփան (Հաշտապահական կուրսերի տեսուչ.)
Մայսուրեան Սամսոն (Բժշկապետ)
Մարտիրոսեան Մնացական (տպարանատէր)
Մեքումեան Սարգիս (Ա-րդ. փոխ. վարկի ընկ. գիրեկտոր)
Նախշունեան Գրիգոր (Առեւտրական)
Նազարեան Տիգրան (Սմբազիր «Աղբիւր-Տարազ» հանդէսների)
Շահպարտեան Սամուէլ (Բժշկապետ)
Շիւսեան Արտաշէս (Բժշկապետ)
Ջաղէթեան Ալեքսանդր (Արդիւնարերոց)
Ստեփանեան Կարապետ (Բժշկական-առողջապահ. վերատեսուչ
Թիֆլիս քաղաքի)
Սարուխանեան Առաքել (Գրականագէտ, գիրեկտոր Մանթաշեան
Արդիւնար. Տան)
Սուլիսեան Ստեփան (Ռուսական շոգենաւ. եւ առեւտր. ընկ.
գլխաւոր գործակալ Թիֆլիսում)
Սուլիսեան Միլեան (Առեւտրական)
Սերովիեան Վարսպետ (Արհեստաւորների աւագ)
Ստեփանեան Ալեքսանդր
Բալանթարեան Պետրոս (Երզնկա-հաւատ.)
Օսէփեան Յովսէփ (Առեւտրական)
Փիրալեան Յարութիւն (Գիւղատնտես. եւ պետական տնայնա-
գործ. կոմիտէի կառավ.) *

Անդամներ

Թիֆլիս, Յունվար, 1912

*) Յաւում ենք որ այս կոչը մեզ ուղարկելու պատճառով մեր թերթում տրա-
ւում է «Մշակ»-ի Յոբելեանական օրից ուշ.

Պ Օ Ս Տ Ա Ր Կ Ղ

Թաւրիգ Պ. Բիգարոյիւն. — Ձեր
«Արջ» օրհասականը ընդ վախճանել
շնչոյն հզօրագոյնս կուրծի» այժմէա-
կան յօդուածի տպումը նիւթերի շա-
տութեան պատճառով յետաձգուեց:
Թաւրիգի մեր բաժանորդներին
որոնք ապառիկ ունեն. պարոններ, չորս
ամիսը լրանալու վրայ է ե գեւ 14
դոանի չնչին գումարի աննշան բաժա-
նորդագինը դուք չէք վճարել: 100
տարի է մեր մէջ մամուլ գոյութիւն
ունի ե գիտէք որ բաժնեգինը կանխիկ
է վճարուում: Որքան սպասենք ե քանի
անգամ գանձողին ուղարկենք զրամի
ե էլի լսենք ձեր պատասխանը: «վաղը
եկէք» կամ «յետոյ կուղարկենք»:
Մեզինք թղթավաճառ, տպարանատէր,
ցրիչ, փոստ ե այլն կանխիկ ե առանց
ժամանակ տալու առնում են, մենք
էլ ոչ ապահով վաճառական ենք ե ոչ

էլ զրամատէր, մենք սպասում ենք
ձեր չնչին բաժնեգներին: Պարտաճա-
նաշուծիւնը ազնիւ բան է: Նոյնը ա-
սում ենք ե մեր օտար քաղաքների պ.պ.
բաժանորդներին, որոնց զրամները
վաղուց ե հրամայաբար օր առաջ ար-
դէն մեզ հասած պիտի լինէին:

ՄԵՐ ԳՈՐԾԱՎԱՆՆԵՐՆ ԵՆ

Մարաղում պ. Յ. Տր. Վարդանեանը
Ուրմիում « Ա. Միրզաշանեանը
Աստառում « Ա. Բժշկեանը
Ռէշտում « Մ. Պատմագրեանը
Էնզելիւում « Բ. Միլոշեանը
Թէհրանում « Պ. Միքայէլեանը
Սպահանում « Ն. Դաւթեանը:

Նոյնը մեր մեր բաժանորդնե-
րին շտապէն իրենց բաժնեգները յան-
ձնել վերոյիշեալներին, ըսպէ առաջ
մեզ հասցնելու համար:

Սմբազիր—հրատարակիչ՝
Ա. Տ. Վարդանեանը

Յ Ե Յ Տ Ե Ր Ե Ր Ո Ւ Թ Ի Ի Ն Ն Ե Ր

ԲԱՅՈՒԵԼ Ե ԲԱՆԱԲԱՅՈՒՆ ՀԻՄՆԱԴԱՆՈՅՈՒՄ ԱՏԱՄՆԱԲՈՒԺԱՎԱՆ
բուժարան (լէչէքնիցա)

Արժեքները չափազանց մատչելի են: Աղքատները բժշկուում են
բոլորովին ճրի: Հիւանդներ ընդունուում են առաւօտեան ժամը 8—1,
երեկոյեան ժամը 3—6

ՀԻՄՆԱԴԻՐ ԱՏԱՄՆԱԲԱՅՈՒՄ ՄԱՏԻՆԵԱՆ

MAGAZINS DE PARIS-TABRIZ.

NOUVELLES BLOUSES POUR DAME
JUPES, JUPONS EN SOIE, TAFFETAS ET LAINE
COUPON POUR BLOUSES
ECHARPES EN SOIE POUR DAME
Echarpes Egyptiennes
CHEMISES CELLULAIRES POUR MESSIEURS

MAGAZINS DE PARIS-TABRIZ

PROPRIETAIRES J. D. THOMASSIAN



ՓԵՐԻՉ ՄԵԳԵԶԻՆ

ԿԱՆԱՑԻ ՆՈՐ ԲԼՈՒԶՆԵՐ

ՇԱՒԵՐ ԵՒ ՓԷՇԵՐ

ԵՒ ՆՈՐ ԿՏՈՐ ՆԵՐ

Նոյնպէս տերմօսներ, որոնք տաք կամ սառը ջուրը 24 ժամ
նոյն տեմպերատուրում պահելու յատկութիւն ունին:

ՇՏԱՊԵՑԻՔ ՕԳՏՈՒԵԼ ԱՌԻԹԻՑ

Գ Ա Ր Ո Ւ Ն

(ՄԱԳԱԶԻՆ ՄԻՍԱԿ ԲԺՇԿԵԱՆԻ)



Նոր ստացւել են ՄԵՏԵՐԱՆԵՐ ԲՆՏԻՐ ԲԼՈՒԶՆԵՐՆԵՐ, ՍՊԵՏԿ ԼԵՐ ԲԵՐԵՆՆԵՐ, տղամարդկանց
ԿՈՏՏ ԳԼԽԱՐԿՆԵՐ, ԵՐԿՈՒՅՑԻ ԲԵՐՏԵՆԻԿՆԵՐ, ճաշակաւոր ԳԵԼՍՏՈՒԿՆԵՐ, անձնօրհներ, երե-
խաների գլխարկներ ե զանազան տեսակի հետաքրքիր խաղալիքներ:
Ընդունելով ԵՐԵՎԱՆԻ ՄԵԼԻՆՈՎՆԵՐԻ ԱՌԻԹՅՈՒՆ ՏԵՆ ներկայացուցչութիւնը, պատիւ ու-
նիմ յայտարարելու ի գիտութիւն սպասողների, որ ընդունում եմ նոյն ֆիրմայի
պատրաստի պապիրոսների պապիրոսների ե ծխախոտների պատէրները: Պատէրներ
կարելի է տալ 50000 հատից սկսած. իբրեւ կանխավճար վերցնում ենք 100-ին 150 | 0
գները հաշուում ենք գործարանի հաշուով, ցանկացողները կարող են վերցնել պրէյսկուրանտ,

ԹԱՆԻՐԻԶԻ ԲԵՆԿԱՆԵՐՆԵՐ

ՀԻՄՆԱԴԱՆՈՅ

Վերսկուել է երթեկ ե գիշե-
րօթիկ հիւանդների ընդունելութիւ-
նը ամենայն օր առ. ժ. 10—12:
Այն աղքատները, որոնք պ.
Բայլարբեցուց վկայական կունե-
նան, կը բժշկուին ճրի:
Հիւանդանոցի կառավարիչ բժիշկ

Վահան Գեորգեան

ТАВРИЗСКАЯ ГОРОДСКАЯ
Больница

Возобновился амбулатор-
ный и стационарный прием-
больных, ежедневно отъ
10—12 часовъ.
Бѣдные по запискѣ отъ г.
Байларбеги принимаются
бесплатно

Завѣдующій больницей
докторъ Ваганъ Геворковъ

ԼՈՅՍ ՏԵՍԵԼԻ

„ՓՈՐՉ“

Գիտական, Գրական, Գեղարուեստական ե ժողովրդա-
կան երկամսեայ հանդէս, բովանդակութիւնը այլ հա-
մարով: Բաժանեկներն է տարեկան
Պարկատանի համար 15 դոան
Ռուսաստան 4 ռուբլի

հարկաւոր են գործակալներ. հասցէ. Ré-
daction «Portz» 5, Rue Fonténile-5
Montpellier (France)

Խմբ. Հրատարակիչ՝
Ս. Տէր Բաղդասարեան